

xxxij.

Das auch bloße schwert in der hende vnd ir yetweder ein vmb
 sich oder zwey das steet an ir erlauben vnd einen sinwellen schilt
 in der hende da nicht kein holz oder leder an sey. Die rechte süllent
 mit buglern als etwan gewonheit ist die eisen süllent sein.
 Sy süllent an tragen reck on ermel. Man sol den kampff schicken
 ye noch landes gewonheit. Auch sol man den leuten frid gebietten
 bey dem hals vnd das sy nieman irre an dem kampffe. Ir yetwe
 der sol der richter einen man geben der ein stangen trage der sol
 die über den habe der da geuellet. Vnd vergicht er so ist er über
 wundē. Mag er auff man sol in wider auff lassen. Welcher der stā
 gen müte man sol sy im vnderstossen das sol der richter erlauben.
 Einen ring sol man mache der sol zwentzig schüch oder fünf vñ
 zwentzig schüch weit sein nach des landes gewonheit. Vnd weli
 cher dar auß fleühet der ist siglos. Die schwert die sy tragēt die
 süllent on ortband sein. Vor dem richter süllēt sy beyde gewarnet
 geen vnd schweren der ein das es war sy darumb er in beklaget
 habe vnd sol der ander schweren das er vnschuldig sy vnd das
 inen got also helfe zu irem kampff. Die sunnen sol man inen mittei
 len gleich so sy erst zesamen geend. Wirdt der überwunden auff
 den man klagt man richtet auch über in. Wer dē andern ansprache
 kempfflich vmb den todtschlag welcher da siglos wirdt dē geet
 es an das haupt. Ist es vmb läme es geet in an die hand. Vmb
 ander wunden die mit ze verch geend sol man mit kempffen.

¶ Wer zu dem ersten in den kampff kompt das merck

¶ Der zu dem ersten in den ring kompt vnder denen die kempffen
 süllent der sol den bittel bitten das er im heische seinen kampff ge
 nossen. Ob er da nicht ist der da angesprochen ist so soll der bittel
 in heischen zu dem hause da er sich in wapnen solt. Vnd soll der
 richter zwen mit dem bittel senden vnd man sol in also laden. Ich
 heisch den man. Nemeest anderst dreyfund. Vnd kompt er dann
 mit so süllent sy geend zu dem ring vnd süllent in heische als dort.
 Man sol warten vntz zu mittentag vnd kompt er dan mit so sol der
 klager auff steend vnd sich ze kampff erbietten vnd soll schlagen
 zwen schleg vnd den dritten sol er in die erden schlagen. Vnd wie
 der windt wäret also sol er steen gegē dē wind vnd sol sein schwert
 in die erden stecken vnd er hat yenen überwundē des er in anspra
 che als ob er mit im gefochten hett. Der richter sol yene ze handē
 in die achte thün vnd sol in meimeyd sagen er sol in sage rechtlos
 man sol im vntellen eigen vnd lehen. Das eigen sol dem werde als
 hie vor gesprochen ist die lehen dem herren ledig ob sy nit lebēs